

आकाशवाणी

खबरां ----

1. उपराष्ट्रपति जगदीप धनखड़ होंरें विश्व सैलसफा ध्याड़े पर आखेआ ऐ जे सैलसफा अमन-शांति कायम करदा ऐ। उनें आखेआ जे युद्ध कन्नै सप्लाई सरिस्ते गी नुकसान पुज्जदा ऐ।
2. 'एक पेड़ मां के नाम' अभियान तैहत मुख्य भरै च 80 कराड़ कोला मते बूहो लाए गेन।
3. प्रधानमंत्री नरेंद्र मोदी होर आकाशवाणी पर ऐतवारें 'मन की बात' प्रोग्राम राएं राष्ट्र गी संबोधित करडन।
4. केंद्री मंत्री ज्योतिरादित्य सिंधिया होंरें आखेआ ऐ जे आत्मनिर्भर योजना तैहत भारत कुल संसारी स्तरै पर माल तैयार करने आहला केंद्र बनी गेआ ऐ।
5. भारत ते अज्बेकिस्तान नै निवेशकें दे भरोसे च बाददा करने लेई निवेश मुतल्लक संधि पर दस्तखत कीते।

6. भारत ते बंगलादेश बशकार कानपुर च खेड्ढे जा करदे दुए टेस्ड मैच दे पैहले दिन खेड्ढे बरखा करी प्रभावित होआ। बंगलादेश नै 3 विकेटां मुहाइयै 107 रन बनाई लैते देन।

<><><><><><><>

### Vice President

उपराश्ट्रपति जगदीप धनखड़ होरें आखेआ ऐ जे सैलसफा मनुक्खता गी आपूं चै जोड़दा ऐ जेड़ी अज्ज दे समें दी जरूरत ऐ। अज्ज नमीं दिल्ली च विश्व सैलसफा ध्याड़े पर अपने भाषण च श्री धनखड़ होरें आखेआ जे सैलसफा अमन-शांति कायम करने च बड़ा बड़्ठा योगदान दिंदा ऐ। उनें आखेआ जे समूलची दुनिया शांति चाहंदी ऐ। उपराश्ट्रपति होरें इस गल्ला दा जिक्र कीता जे दुनिया दे कुसै बी हिस्से च संघर्ष कन्नै पूरी दुनिया पर असर पौंदा ऐ कीजे युद्ध कन्नै सप्लाई दा सरिस्ता पुट्ठी जंदा ऐ। श्री धनखड़ होरें इस बरे विश्व सैलसफा ध्याड़े दे विषय पर्यन्त ते शांति पर जोर दिंदे होई आखेआ जे एह बड़ा गै महत्वै आहला ऐ। उनें आखेआ जे एह विषय भारत दे जीवंत लोकवाद लेई बी सेई ऐ। सैलसफा मंत्री गजेंद्र सिंह शेखावत होरें अपने भाषण च आखेआ जे सैलसफा दे राएं बक्ख-बक्ख

संस्कृतिर्ये ते राष्ट्रं दे बशकार आपूंचै समझ दा निर्माण कीता जाई सकदा ऐ। उनें आखेआ जे सैलसफा सब्बनें गी जोड़दा ऐ।

<><><><><><>

### **Ek ped Maa ke Naam**

मुख्य भरै च एक पेड़ मां के नाम अभियान तैहत हुनै तोड़ी 80 करोड़ बूढ़े लाए जाई चुके दे न। पर्यावरण जंगलात ते मौसम सरबंधी मैहकमे नै 80 करोड़ बूढ़े लाने दे अपने लक्ष्य गी पूरा करी दिता ऐ। मंत्रालय दी जानकारी मुजब एह लक्ष्य अपने समें सीमा थमां 5 दिन पैहले गै यानि 25 तरीक गी गै पूरा होई गोआ ते मंत्रालय नै इस सफलता दा श्रेय सरकारी एजेंसिएं गी, मकामी समुदायें गी ते बाकी हिस्सेदारें गी दिता ऐ। प्रधानमंत्री नरेंद्र मोदी होरें इस पैहलकदमी एक पेड़ मां के नाम दी शुरूआत इस बरै दे विश्व पर्यावरण दिवस 5 जून गी नमीं दिल्ली च कीती ते इस अभियान च मुख्य भरै दे लोकें बूढ़े लाने च बधी चढ़ियै हिस्सा लैता।

<><><><><><>

### **NIA-Raids**

राष्ट्रीय पढ़ताली एजेंसी एनआईए नै अज्ज जम्मू खित्ते दे राजौरी ते रियासी जिलें च बक्ख-बक्ख थारें पर तपाश आहली कार्रवाई कीती ऐ।

इस बरे जून च इक्क बस पर होए दे आतंकवादी हमले दे मामले च जांच पड़ताल दे हिस्से दे तौरा पर एह कार्रवाई कीती गई ऐ। आकाशवाणी जम्मू दे संवाददाता नै खबर दिती ऐ जे अज्ज बड़लै सवां एनआईए दिएं ़ीमें बक्ख-बक्ख थाहरें पर छापे मारे न। रियासी जिले च शिवखोड़्यी मंदर सवां वापस आँदे होई आतंकवादियें श्रद्धालुएं दी बस्सा पर गोलियां चलाई दितियां हियां। इस हमले च 9 श्रद्धालुएं दी मौत होई गई ही ते 40 जनें घायल होई गए हे। आकाशवाणी दे रियासी आहले संवाददाता नै अधिकारियें दे हवाले कन्ने खबर दिती ऐ जे छापे दौरान एनआईए दी ़ीमें हमले दे सरबंधौ च महत्वै आहले सबूत हासल कीते न।

<><><><><><><>

## **PM-Modi**

प्रधानमंत्री नरेंद्र मोदी होर इस रविवार बड़लै 11 बजे आकाशवाणी दे “मन की बात” कार्यक्रम उप्पर लोकें कन्ने अपने विचार सांझा करंगन। एह हर म्हीने होने आहले इस रेणियो प्रोग्राम दी 114मीं किशत ते प्रधानमंत्री हुंदे त्रीए कार्यकाल दी चौथी किशत होग। एह कार्यक्रम आकाशवाणी ते दूरदर्शन नेटवर्क AIR newswebsite ते newsonair mobile app उप्पर प्रसारित होग ते AIR news.ddnews,

PMO ते सूचना ते प्रसार मंत्रालय दे यू-यूब चैनलें उप्पर लाइव चलोग। आकाशवाणी इस प्रोग्राम गी हिंदी दे बाद होरनें राष्ट्रीय भाषाएं च बी प्रसारित करोग।

<><><><><><><>

### **Jyotiraditya Sindia**

संचार ते उत्तर पूर्व क्षेत्र दे विकास सरबन्धी मैहकमे दे केंद्री मंत्री ज्योतिरादित्य सिंधिया होरें आखेआ ऐ जे आत्मनिर्भर योजना तैहत भारत कुल संसारी स्तरै पर माल तैयार करने आहला मुख केंद्र बनी गेआ ऐ। चेन्नई दे कोल श्रीपेरबुदूर च सी.आई.एस.सी.ओ दी आधुनिक विनिर्माण सहूलत दा उद्घाटन करदे होई मंत्री होरें आखेआ जे भारत च इस सहूलत दा उद्घाटन होना कुल संसारी टेक्नोलॉजी दे क्षेत्र च मुल्खै दे विकास दा इक्क सबूत ऐ। उनें आखेआ जे एहदे न्ने भारत दी दूर संचार प्रणाली दा विकास होग। एह सांझे निर्यात ते घरेलू उत्पादन च सलाना इक्क अरब 30 करोड़ डॉलर कोला मता उत्पादन करने आहली मते बरें आहली निवेश परियोजना दा पैहला गेढ़ होग।

<><><><><><><>

## Fatty-Liver

सरकार नै अज्ज नर्मी दिल्ली च नॉन अल्कोहलिक फैली लीवर ऍसीज़  
NAFLD बारे सब्बे मेडिकल अधिकारियें लेई संशोधित परिचालन  
मुतल्लक दिशा-निर्देश ते सिखलाई नियम जारी कीते न। इस मौके पर  
सेहत ते परिवार दी भलाई-बेहतरी सरबंधी सचिव अपूर्व चंद्रा होरें  
आखेआ ऐ जे दिशा-निर्देश ते सिखलाई मॉयूल NAFLD सवां पीड़ित  
शख्स दी पंछान करने फैसलाकुन होई सकदे न।

<><><><><><>

## Kerala-M-POX

केरल च 38एं बरें दे इक्क होर शख्स दे एम-पाॅक्स वायरस कन्नै  
संक्रमित होने दी तस्दीक होई ऐ। सूत्रें दस्सेया ऐ जे विदेश सवां  
कोच्चि गी वापस आए दे इस शख्स दा इलाज इक्क प्राइवे अस्पताल  
च होआ करदा ऐ। ओहदे शरीर दे तरल पदार्थें दी जांच कन्नै लागै  
सवां संक्रमित होने दी तस्दीक होई ऐ। इस म्हीने राज्य च एम-पाॅक्स  
वायरस दा एह दुआ मामला ऐ। विश्व स्वास्थ्य संगठन नै एम-पाॅक्स  
गी अंतरराश्ट्रीय चिंता आली सार्वजनिक इमरजेंसी घोषित कीते दा ऐ।

<><><><><><>

## Holiday-Cancel

जम्मू दे जिला मैजिस्ट्रेट हों 30 सितंबर गी जिले दे शिक्षा इदारे च छुट्टी दे अपने पैहले आले हुकम गी रद्द करी दिता ऐ। अपने हालिया हुकम च जिला मैजिस्ट्रेट हों आखेआ ऐ जे उने 30 सितंबर गी सब्बने सरकारी ते निजी शिक्षा इदारे च छुट्टी दा जेहड़ा हुकम रसाल कीता हा, उसी हुन रद्द करी दिता गेआ ऐ ते 30 सितंबर गी हुन शिक्षा इदारे च छुट्टी नेई होग।

<><><><><><>

## India-Uzbekistan

भारत ते उज्बेकिस्तान नै अज्ज ताशकंद च दपक्खी निवेश संधि बी.आई.पी पर दस्तखत कीते न। खजाना मंत्री निर्मला सीतारमण ते उज्बेकिस्तान दे उप-प्रधानमंत्री खोदजाएव जमशेद हों इस संधि पर दस्तखत कीते न। दपक्खी निवेश संधि होने कन्ने भारत च उज्बेकिस्तान च भारत दे निवेशके दी लोड़चदी सुरक्षा हिफाजत यकीनी होई जाग। इस संधि कन्ने निवेशके दा भरोसा बदो। इयां मदाखलत राएं विवादें दे नबेड़े लेई इक्क आजाद मंच मुहैया करांदे होई मसलें दे हल लेई घटोघटो मानक ते बिजन फर्कोफर्की दा भरोसा दिता जाग। एहदे कन्ने पारदर्शिता, मुनतकिली ते नुकसान दी

भरपाई करने दी बी बवस्था उपलब्ध होग। इस संधि कन्ने दौनें मुख्यें दे कारोबार ते अर्थ बवस्था गी फायदा होग।

<><><><><><>

## J&K Campaigning

जम्मू-कश्मीर च त्रीए गेड़ दे असैम्बली चुनांए लेई प्रचार अपनी चरम सीमा पर पुज्जी गेदा ऐ। इस गेड़ तैहत कुल 40 सीपों लेई पैहली अक्टूबर गी मतदान होग। जम्मू संभाग दिएं 24 सीपों लेई इस गेड़ तैहत चुनां होग। इंदे च जम्मू जिले दिआं 11, कठुआ दिआं 6, उधमपुर दिआं 4 ते साम्बा जिले दिआं 3 असैम्बली सीपां न। आकाशवाणी दे जम्मू संवाददाता मुजब, इनें चुनां च बीजेपी दे प्रचार अभियान गी बल देने लेई प्रधानमंत्री नरेंद्र मोदी कल जम्मू आवै करदे न। ओह जम्मू दे मौलाना आजाद स्पोियम च इक रैली गी संबोधित करंगन। होरनें सियासी, पार्षिं दे बी बड़ो-बड़ो नेता जोरें-शोरें प्रचार करै करदे न। कांग्रेस नेता राहुल गांधी होरें साम्बा जिले दे रामगढ़ च इक रैली अग्गे भाषण दिता जिसले के पार्षिं नेता प्रियंका गांधी होर कल रैलिएं गी संबोधित करंगन। असैम्बली चुनां दे त्रीए गेड़ तैहत कुल 40 सीपों लेई मतदान होना ऐ जिस करियै इस गेड़ दा चुनां हर इक पार्षिं ते मेदवार लेई मता अहम ऐ। इंदे च जम्मू खिते दिआं 24

ते कश्मीर घापी दिआं 16 सीपां शामिल न। वों दी गिनतरी दा कम्म  
8 अक्टूबर गी होग।

<><><><><><><>

### District-Jammu

जम्मू जिले दे 11 असैम्बली हल्कें लेई औंदी पैहली अक्टूबर गी होने  
आले चुनां दरान 12 लक्ख शा मते मतदाता वों पाने दे अपने  
हक्कें दा इस्तेमाल करडन। आकाशवाणी दे जम्मू संवाददाता मुजब,  
जम्मू जिले दिएं 11 असैम्बली सीपों-बिश्नाह, सुचेतगढ़, आरएस  
पुरा-जम्मू साउथ, बाहू, जम्मू ईस्ट, नगरोडा, जम्मू वेस्ट, जम्मू  
नार्थ, मढ़, अखनूर ते छम्ब हल्कें च कुल 12 लक्ख 977 मतदाता  
न जिंदे च 6 लक्ख 19 जहार 66 मर्द, 5 लक्ख 81 जहार 887  
महिलां ते 24 थर् जेंर मतदाता बी शामिल न। चुनां आयोग नै  
मतदाताएं दी सुविधा लेई 1 जहार 494 मतदान केंद्र बनाए न जिंदे  
चा 609 शैहरी इलाकें च ते 885 ग्रामीण इलाकें च न। इनें चुनाएं  
च 47 जहार 963 फर्स इम वोंर बी मतदान करंगन। कुल  
मतदाताएं चा 18 फीसद बुजुर्ग मतदाता न ते इनें चुनाएं च उंदी  
भूमिका बी बड़ी महत्वपूर्ण होग। 60 बरें यां एहदे शा मते दी उम्मी दे  
इनें मतदाताएं दी गिनतरी 2 लक्ख 15 जहार 338 ऐ। जम्मू जिले

च 100 शा 109 बरें दी उम्मी दे 404 मतदाता न जिसले के 110  
शा 119 बरें दे 29 मतदाता ते 6 बुजुर्ग मतदाता ऐसे बी हैंन जिंदी  
उम्र 120 बरें कोलां बी मती ऐ।

<><><><><><>

### Cricket

भारत ते बंगलादेश बश्कार कानपुर च खेड्ढे जा'रदे दुए टेस् मैच दे  
अज्ज पैहले दिनै दा खेड्ढ बरखा करी प्रभावित होआ। बंगलादेश नै 3  
विकेां मुहाइयै 107 रन्ज बनाई लैते दे न। बंगलादेश दे मोमीनुल हक  
40 रन्ज ते मुशफिकुर रहमान 6 रन्ज बनाइयै क्रीज पर हे। भारत दी  
तरफा अर्शदीप नै 2 ते रविचंद्रन अश्विन नै इक विकेां लैती। एहदे  
शा पैहले भारत नै ाँस जित्तियै गेंदबाजी दा फैसला लैता।

<><><><><><>

### ECI-J&K Poll

जम्मू-कश्मीर च दुए गेड़ दे असैम्बली चुनां च 57 इशारिया 3-1  
फीसद मतदान दर्ज कीता गेआ ऐ। चुनां आयोग मुजब दुए गेड़ तैहत  
6एं जिलें दिएं 26 असैम्बली हल्कें च 58 इशारिया 3-5 फीसद मर्दे ते  
56 इशारिया 2-2 फीसद महिलाएं वोा पाने दे अपने हक्कै दा  
इस्तेमाल कीता। चुनां आयोग दे आंकड़ें मुजब रियासी जिले दी श्री

माता वैष्णो देवी असैम्बली हल्के च सब्बनें शा मता 80 इशारिया 4-5 फीसद मतदान होआ। एहदे परेंत सुरनको च 74 इशारिया 9-4 दस्सग ते पुंछ-हवेली च 74 इशारिया 5-6 फीसद मतदान दर्ज कीता गेआ। हुन औंदी पैहली अक्तूबर गी असैम्बली चुनाएं दे त्रीये ते अखीरले गेड़ तैहत 40 विधानसभा सीं लेई मतदान होग जिसले के वों दी गिनतरी 8 अक्तूबर गी होग।

<><><><><><>